

E PIDA COSNAN CU TA PAPIA RIBA TUR DIA

Ayera tabata tin e "incidente" den Staten relaciona cu e ley di Choller y Cuido di mucha.

E prome dia di e gobierno nobo y nos a bin haya un incidente (chiquitito) cu ta mustra cu e remedi cu a ser duna contra postema no a cura e mal ainda.

Mi ta mira cu e gobierno aki lo ta un gobierno caminda cu asina un hende tosa, e otro ta cla pa bandona sala y kibra reunion.

E combinacion di color berde cu blauw parce lo "blikia" prome cu su tempo.

Mi no ta kere cu for di casi un aña pasa cu e concepto di ley a wordo entrega na parlamentarionan cu ayera ainda tin parlamentarionan cu no a haya tempo pa studia esaki, pero si lo tin tempo entre awe y dialuna pa studia e documentacion.

E ora ey mi ta puntra mi mes, ta unda seriedad a keda cerca nos representantenan di pueblo.

E mes pregunta mi a haci ora mi a tende cu a dicidi di revoca e decision tuma algun luna pasa riba asunto di e clinicanan americano.

Ministro Lily Beke a wanta un andanada di critica, a defende su mes fuerte, decision a cay contra dje, y awor si aparentemente tur local a ser treci dilanti den e reunion contra e contrato ta otro y ta hala atras.

Ta asina nos mester tin confianza den nos parlamentarionan y nos gobierno?

Si tende parlamentarionan papiá di cu wega ta ser hunga aki y wega ta ser hunga aya, ta parce cu ta "campeonato mundial di futbol parlamentario" ta tumando lugar.

E "penalty" den e wega aki lo bin pronto tambe ora di discuti number nobo pa nos aeropuerto.

E OTRO COSNAN CU NOS TA TENDE

E otro punto cu ta ser papiá ariba y cu tin hopi hende rabia ta e asunto di pago di vacacion pa nos ministronan.

Nos ministronan no a bay cu vacacion ultimo 3 aña y mey, pero nos ministronan sa bon tambe cu tin e ley cu gobierno mes a bin cune cu ta menciona cu ambtenaaman por spaar vacacion dos aña so sino nan ta perde esaki. Ay..., mi a lubida cu minister no ta ambtenaar!

Den otro sectornan si bo no tuma bo vacacion den un aña bo ta perde. Te asina leeuw cu mi sa DPO a duna su "ADVIES" cu ta menciona cu ministronan mester mantene nan mes na ley y cu "Ley pa un ta ley pa tur", pero consejo di ministro a pone e ley un banda y dicidi otro.

Tin decenas di hende cu a perde hopi dia, hopi siman y hopi luna di vacacion cu nan a spaar y no por haya esaki paga en efectivo, esta cu nan no por cumpra esaki, pero awor ta resulta cu pa ministronan si esaki ta posible.

Esaki ta e cosnan cu ta trece malcontento cerca hende den comunidad y esaki ta pone cu votadornan ta perde confianza den nos politiconan y nos gobernantenan.

Y ta wordo cobra tambe e asina yama "overbrugging". Pa splica esaki mas facil y simpel lo mi splike asina.

Ora un minister of parlamentario baha, e ta cobra equis suma pa un a largo,--e asina yama overbrugging-- bao di e pretexto cu e lo keda un aña sin haya otro trabao.

For den e caso aki, nan no a keda un aña sin trabao despues di: gobierno anterior prome cu nan a sinta como gobernantenan.

Manera na e beha awe, nan a sinta mañan atrobe pa otro periodo.

E placa di un aña cu nan "no a keda sin trabao" nan ta cobra masha

bunita y esey ta inhusto tambe.

Pa mi esey ta placa cu nan ta cobra sin cu realmente nan merece e placa ey, pero ta politiconan mes a hinca e ley den otro 50 aña pasa. Pero nos ta na Aruba y atrobe "tur cos por...", free for all" ta nabri tur caminda den tur sector tambe, danki na kende?

E CASAMENTONAN CUMpra NO A CABA

Un di e otro puntonan di conversacion ta e casamentonan cumpra.

Por a ripara tambe avisonan den corant ultimo dianan cu tin e frase di custumber: "adres onbekend"

Ainda tin Arubianonan cu ta wordo cumpra pa casa cu hendenan di afo. Tin cu ta casa dos, of tres vez, y mi ta na altura di un caso cu ta conoci na Bevolking y na Inmigracion di un persona cu ta bay casa awor pa di 4 biaha cu un persona di afo cu ta probecha di su edad, su vicio, y pa colmo ta ilegal riba nos isla basta tempo caba.

E persona aki ta ilegal, e no ta biba cu su "heer" mas pasobra el a wordo maltrata varios biaha.

E ta biba na cas di un "meneer" cu a ofrece su cas pa e evita su maltrato.

Pero awe, "la doña" kier pa "meneer" casa cune, pero despues e lo bay biba cerca su "heer" cu ta tata di su yunan.

Pero e matrimonionan anterior tambe tabata tin "meneer" cu a casa y despues no tabata sa mes unda su "señora" ta biba na Aruba.

Pakico mi a menciona e "free for all" ariba?

Pasobra esaki ta un di e tipico casonan cu ta conoci, aunke nan no a casa ainda.

Ta conoci kende e "dams" ta, kico e intencion ta tras di e "casamento" y cu e "dams" ta ilegal riba nos isla basta tempo caba, y nada, nada, ningun medida no ta tuma lugar.

Pasobra ningun medida no ta tuma lugar, pasobra e "dams" por keda ilegal sin cu ta investiga, pasobra ta un caso "chiquito" entre e grandinan, mayan, mas y mas "dams" lo sigui haci mescos te cu e bira un epidemia atrobe riba nos isla y cu ningun "remedi" lo no cura mas.

E LUZnan DI TRAFICO NA AEROPUERTO

Ayera mainta mi ta conversa cu un persona riba e peliger cu tin na aeropuerto unda e luznan di trafico no ta funcionando pa basta dia y nos a menciona cu por spera un dia pa otro "si no ta awe mes" cu un of mas desgracia grandi lo tuma lugar eyan.

Kico a pasa, ata ayera tres desgracia grandi a tuma lugar na e lugar. Mi ta puntra mi mes kico e problema lo por ta y si ta un problema di pieza cu lo no tin na Aruba.

E situacion a bira caotico y hopi mayor ta pasa den peliger pa hiba muchanan school mainta y trece nan cas merdia pasando na e crusada sin luz di trafico.

Hopi hende cu ta bay traha ta pasa den e peliger ey.

Si no tin pieza na Aruba, no bin bisa cu mester warda simannan largo riba pieza.

Awendia cu DHL, Federal Express y UPS, y EMS entre otro cu por trece e piezanan den un dos tres.

Si ta na Merca of na Europa mester encarga e pieza, no por dura siman of mas prome cu e pieza por yega. KLM mes ta bula pa y di Hulanda tur dia.....y atrobe lo bisa: Ay ta Aruba, kende tin cuney !!!

Juby

CELEBRATE FATHER'S DAY ON SATURDAY AT

LIVE MUSIC BY
S.O.S.

Ale

Papito

Robert Joandor

10-2

All Chivas Regal
drinks \$3!

TROPICAL
Grand Café

NATURAL BRIDGE

Blonde
Ale

ON DRAFT
ALL NIGHT ONLY \$1!

ARUBA
BREWING
CO.

FRESH BEER
MADE HERE!!